

乙丑
重編

飲冰室文集

冊
五

乙丑重編飲冰室文集 卷二十六

第二集二十二

新會 梁啓超

論中國國民生計之危機

中國亡徵萬千而其病已中於膏肓且其病已迫於眉睫者則國民生計之困窮是已蓋就國家一方面論之萬事皆有可補救而獨至舉國資本涸竭馴至演成國家破產之慘劇則無復可補救所謂四海困窮天祿永終雖有善者亦無如之何也就個人一方面論之萬事皆可忍受而獨至於飢寒迫肌膚死期在旦夕則無復可忍受所謂鋌而走險急何能擇雖有良善未有不窮而思濫者也嗚呼今日中國之現象當之矣

士農工商國之石民我國之士向惟分利隨社會之饒瘠以卜坐食之豐嗇可置勿論至於小農小工小商前此恃手指之勤動守分安業苟非遇大災變恆足以自贍雖生事至穀然固可以優游卒歲豳風七月之氣象在鄉野間常彷彿遇之今則何如以幣制紊亂百物騰踊之故民每歲所入與前相等者今則資用效力不及其半

加以人口孳殖。求日艱。故中人之家。恆苦不贍。食力小民。豐歲猶且飢寒。一遇水旱偏災。則餓殍塞途。轉徙而之四方者。常數萬計。其稍悍者。則迫而爲盜賊。日戮一人。猶不能止。若夫通都大邑。十年前號稱殷富之區者。今則滿目蕭條。而商號之破產。日有所聞。金融緊迫。無地不然。自上至下。皆有儼然不可終日之勢。蓋晚元晚明之現象。一一皆具。見於今日。愁慘之氣。充滿於國中。嗚呼。凡百險狀。蓋未有過此者矣。

論者動曰。吾國政府財政。雖極竭蹶。而富之藏於民者。不知凡幾。此嚮言也。謂吾國今尙藏富於地。則可。謂吾國今尙藏富於民。則不可。夫以一國四萬萬人之衆。亦豈嘗無稱素封者若干戶。然所謂國民生計者。就全國國富之總量而校其盈。胸不得以最少數人爲標準也。今且語富之性質。富也者。以其所孳殖之財。校諸其所費耗之財。而常有贏餘之謂也。箇人生計有然。卽國民生計亦有然。然則欲驗國富之消長。則亦以貨財之來往於國際間者。校其數量及其種數而已。今請先就近三十年來通商貿易表一比較之。

年 次輸 入 額(海關兩) 輸 出 額(海關兩) 輸入超過額(海關兩) 輸入超過額對於輸出百分比

光緒 八年	七九、五〇四、二四三	六九、一二五、八六一	一〇、三七八、三八二	一五
、 十一年	八九、四〇六、八八二	六六、二一二、五七六	二三、一九四、三〇七	三五
、 十六年	一二八、七五八、二九〇	八八、八〇九、二八九	三九、九四九、〇〇一	四五
、 二十一年	一七二、八五三、一四五	一四三、二九三、二一一	二九、五五九、九三四	二〇
、 二十六年	二二三、七九一、八八八	一五八、九九六、七五二	六四、七九五、一三六	四一
、 三十一年	四四七、一〇〇、七九一	二二七、八八八、一九七	二一九、二一二、五九四	九六
、 三十二年	四一〇、二七〇、〇八二	二三六、四五六、七三九	一七三、八一三、三四三	七三
、 三十三年	四一六、四一〇、三六九	二六四、三八〇、六九七	一五二、〇二〇、六七二	五七
、 三十四年	三九四、五〇五、四七八	二七六、六六〇、四〇三	一二一、八四五、〇七五	四三

據右表所列。則自光緒八年以後。每年輸入超過者。輸入超過謂入口貨物所值除
 之額 約一千萬兩。十一年以後。則進爲二千餘萬兩。十六年以後。則進爲四千餘萬
 也

兩。二十六年以後。進爲六千餘萬兩。三十一年。更驟進爲二萬萬餘兩。最近四五年
 則來往於一萬五千萬兩之間。蓋自互市以來。六十餘年間。無一年非輸入超過。愈

至近年。而其勢愈甚。至如最近五六年來。每年超過之額。乃過於政府總歲入。現在政府

總歲入年約一萬三千餘萬。蓋自光緒三十一年至三十四年，僅四年內而吾財之漏卮於外者

將及六萬萬兩。溯初互市以迄今，其數之鉅豈更可思議哉？而或者曰：國富之來往

於國際間者，不能專據貿易表以爲衡。蓋國際債權債務之關係，其在貿易表以外

者尙多也。斯固然也。雖然，嘗考各國之歷史及現狀，凡輸入超過者，恆爲債權國。債

權者，其國民以有餘之資本借出於他國而收其息者也。如英國是也。若債務國，則宜輸出超過。債務國者，其國民

資本而須償如二十年前之美國是也。蓋債權國前此已將其資本貸出於外國，至

今應年年收還本息而所收還者，不必其爲現金也。而即以外國入口之貨物作抵

蓋人之得金者，亦不過持之以易其所需之物耳。然又必須以自己之勞力作成物

品，然後有所持以爲易。個人生計有然，即國民生計亦有然。國際貿易者，不外以己

國人勞力所產之物品，易取他國人勞力所產之物品而已。而債權國之輸入超過

則吸取外國人勞力所產之物品，供我享用而我則不必自出其勞力所產者，以與

爲易也。如是則雖輸入超過而不爲病。彼英國自千八百五十五年以迄今日，年年

皆輸入超過。而最近十年間，每年超過之額多者約二十萬萬兩，少者亦十二三萬

萬兩而英人不聞以漏卮爲病者有債權足與之相抵也。若債務國則宜反是。前此貸金於人。今則年年須償其本息。而所償者亦不必以現金。但以己國人勞力所產之物品多輦致於外。而所易取他國之物品不逮此額。則所餘之額卽以之抵銷債務。如美國當四五十年前。一切殖產興業之資本俱仰給歐洲。負莫大之債務。而亦前後五六十一年間。年年皆輸出超過。直至最近十餘年。債務消滅漸盡。然後輸出入乃略均平。是其例也。由此觀之。輸入超過。惟在債權國爲宜。然若夫債務國苟非輸出超過。則不足以維持於不匱。此生計學不易之公例也。吾中國則何如。國民未嘗有一銖之資本投諸海外以收其息。而公私所負外債都爲十三萬萬餘兩。在理宜每歲輸出超過之額六七千萬兩。然後僅足以相抵。今不惟無此。而輸入超過者且倍之。且三之。自庚子迄今。每年償外債本息恆四千萬兩。乃至七千萬兩。而輸入超過額恆六千萬兩。乃至二萬萬兩。兩項合計。每年國民財力漏卮於外者平均二萬萬兩。庚子迄今十年爲二十萬萬兩。而前此已耗蝕者尙不在此數。試問我國富每年所能增殖者幾何。今若此。夫安得不舉國以陷於窮餓也。

問者曰。若此。是殆我國所有之金銀。外溢以盡乎。曰。是又不然。夫國之貧富。非以其所有金銀之多寡而積算者也。今請稽近年來我國金銀出入之數而論之。

年次

輸出(海關兩)

輸入(海關兩)

光緒十八年

一〇、六七二、五三三

二三、三九五、七七五

二十一年

四七、二四五、七六八

一八、二〇一、八五九

二十六年

四五、三八〇、三五七

二八、七〇五、〇六〇

三十二年

二六、四三四、〇八一

四一、一八五、七八八

三十三年

一五、四六九、五五九

四四、一〇八、六六四

三十四年

二一、六三二、九三三

四五、四一五、五二八

蓋自光緒二十六年以前。我國金塊輸出者雖多。而銀塊輸入者。其數足以相抵金銀合計。則出入所值。大略平均。而輸入超過之時。反更多焉。其詳表可查海關冊。今不具列。惟自二十七年以後。然後金銀合計。出多於入。其最甚者。爲三十三年。輸出超過二千八百六十三萬兩。餘年則在二千萬兩之間。然此不過最近數年來之現象耳。此現象之

起原因雖多。而以濫鑄銅元爲格里森貨幣原則所支配。致驅逐金銀出境。實其最接近之一原因也。雖然中國所病者尙不在是。蓋以校每年漏卮之總額。此則其細已甚矣。卽以光緒三十三年論之。其年貿易表之輸入超過額一萬五千二百餘萬兩。各種公債之本息。約四千萬兩。合計將及二萬萬兩。而金銀流出者二千餘萬兩。僅當其十之一耳。然則自餘之一萬六七十萬兩。果何所自出乎。豈吾民竟可以無償而得外國入口價值萬萬餘兩之物品乎。此決不然。是當求諸國際借貸總表而後能知之也。

光緒三十一年國際借貸總表

出 款

海關兩

外國貿易輸入額

三一〇、四五三、四八八

正金銀輸入額

三七、〇〇一、一六五

外債及償金本息支出

四四、八一〇、四〇〇

在外本國公使館及領事館費

一、三二〇、〇〇〇

在外留學生及旅行者所費

三、〇〇〇、〇〇〇

外國人匯寄彼國之收益金

一六、〇〇〇、〇〇〇

外國公司所得水腳及保險費

六、七五〇、〇〇〇

軍器購入費

五、〇〇〇、〇〇〇

合計

四八三、七三四、九九三

入 款

海關兩

本國貿易輸出額

二三六、〇二五、一六二

正金銀輸出額

三三、〇四六、五三二

鐵道及礦山建造費

二七、〇〇〇、〇〇〇

本國境界貨物輸出超過額

四、〇〇〇、〇〇〇

在本國之外國公使及領事館費

五、〇〇〇、〇〇〇

外國兵營費

七、五〇〇、〇〇〇

外國軍艦及水兵所費

一五、〇〇〇、〇〇〇

外國商船及水手所費

二〇〇、〇〇〇

外國船在本國修理費

一、〇〇〇、〇〇〇

外國教會病院學校費

六、〇〇〇、〇〇〇

外國人旅行費

六、〇〇〇、〇〇〇

海外僑民匯回本國之收益金

七三、〇〇〇、〇〇〇

合計

四二七、七五一、六九四

出款超過額

五五、九八三、二九九

據右表則出款之數除入口之貨物金銀外以國債利息爲最鉅入款之數除出口之貨物金銀外則以外國人投資本以承辦礦路之費及海外僑民匯回本國之收益金爲最鉅合此兩項恰爲一萬萬兩約抵出款所虧者十之六而尙有他項與之相補是我國富是年所耗蝕於外者實五千五百餘萬兩也此外前後各年雖其項目有出入而其大較則亦類是而右所舉兩項中則惟海外僑民匯回本國之一項在國民生計範圍內可稱爲真收入耳其外國人投資本於本國者雖未嘗不爲國

富之小補而所增殖之富大半爲外人所吸推其遷流所極必將於吾國中分出资
本家與勞動者之兩階級其資本家則爲外人而我國人則皆勞動者也夫事勢苟
至於此則我國生計之前途豈堪復問矣要之我國前此生計現象實全賴海外僑
民匯歸本國之金以維持之此項每年常七千餘萬兩適足與輸入超過之額相抵
故雖有尾閭之洩然尙可爲桑榆之收及庚子以後益以外債本息年數千萬而生
產事業不能急起直追以與之相補是以日益竭蹶也

前所論者就對外一方面而推究國富損失之大凡也然欲確知其真相尤非從內
部細勘之不可請更畢吾說

夫國富之盈朒亦於產業之榮瘁覘之而已雖家有陶猗之富苟其子弟無所執業
而飽食以嬉則家之索可立而待也而我國今日則舉國人民失業者什而六七而
其趨勢且滔滔未知所極也謂余不信請條舉以明之其在工業實憔悴現象之最
顯著者也自瓦特發明汽機而歐洲生計界之騷擾大起史家稱之曰工業革命時
代蓋自紡績業應用機器以後凡百工業次第繼之前此恃手指以自給之小民咸

失其職。十八世紀之末。全歐餓殍乞丐。相屬於道。英國則無業良民。相率圍擊工廠。破壞機器。政府治以死刑。莫之能禁。而大陸諸國。且緣此起。前古未聞之大革命。紛

擾互數十年。

由法國大革命其動機由於政治者半。由於生計者亦半。此史家之公言也。

至十九世紀之下半期。局勢雖已

大定。而多數細民所蒙之損失。遂終不可復馴。至於今。而富者愈富。貧者愈貧。歐美社會。遂至畫分爲少數富者。與多數貧者之兩大階級。若鴻溝之不可踰越。此稍明時局者之所能知矣。由此言之。則今世之工業組織。其影響於舊社會之小民生計者。如此其劇也。吾國百年以來。閉關高臥。舉國中無一人能適用此種文明利器。故大規模之工廠。未嘗一見。曾不足以影響於民業。而前此歐美諸國。其力之充溢於外者。未甚。我國既遠隔重洋。重以腹地之交通不便。彼地風潮之來。相簸擊者。爲勢較緩。以此兩原因。故歐美諸國於此一世紀中生計社會變遷之劇。驚心動魄。而吾國人乃得晏然立於世外。民猶安其居樂其業。儼若齣風七月之舊。蓋有由也。迨最近十年間。而全世界工業革命之大波。遂軒然挾萬鈞之力。以壓我境。而吾國之石民。始與十八世紀末歐洲之細民同其厄運。此其故何也。蓋當數十年前。工業最盛。

者。惟一英國。全世界皆其市場。其產業侵略之線路。不必專向中國。未幾而歐洲大陸諸國相繼奮起。前此英人以歐陸爲尾閭者。乃不得不轉而之他矣。然其時美澳兩洲。惟事農牧製造品。悉仰給歐陸。故歐陸所產。猶得向彼以洩舒。曾幾何時。此諸地之工業。且駸駸駕歐陸之上。就中美國與歐洲新興之德國。尤後起而勢莫禦。亞洲之日本。又急起直追。以崛興乎其間。此世界數大工業國者。皆以應用文明利器之故。國富日益。濫衍馴至以資本過饒爲大患。此過饒之資本。勢不得不還以投諸工業。而工業生產愈盛。則其求市場愈急。環顧全球。舍中國外。更無復展翼之餘地。於是汲汲焉。胥謀以闢我久閉之關。爲公共之自衛政策。夫以羣虎臨一瘠牛。蔑不濟矣。果也。自五口通商以來。今日進一寸。明日進一尺。而今日之中國。遂爲萬國公市。夫爲萬國公市。則亦何害而無如。百年前歐洲工業革命之禍。自茲乃降集吾躬也。昔亞丹斯密所著原富論。分勞赴功。及利用機器之益。謂前此每人以一日之力。能製針二十本者。今能製四千八百本。以是證工業組織變遷之劇。今距亞丹斯密又百餘年。據專門家所推算。謂平均每人以一日之力。能製針一千五百萬本。蓋以

斯密時代與古代相較。古代二百四十人所製之針。今則一人優爲之。而二百三十人。之業。針者緣而失業矣。以今日與斯密時代相較。彼時三千人所製之針。今則一人優爲之。而二千九百九十九人緣而失業矣。更以今日與古代比較。則古代七十五萬人所製之針。今以一人優爲之。而七十四萬九千九百九十九人緣而失業矣。雖曰事物之發達。以漸絕。非以一朝一夕之間而突然增此二百四十倍三千倍七十五萬倍者。然機器之影響於民業。其大勢所趨。成此比例。實章章不可揜矣。豈惟針業。其他百工。莫不有然。夫以今日一人所優爲之業。在昔乃以數百數千數萬人始能爲之。則勞力之費於無用之地。不知凡幾。今茲以機器大興。分業日精。之故。乃得節其濫費之一部分。以移諸他業。而生事日以蕃。臚此其澤之及於社會者。至溥。亦何待言。雖然。就他方面觀之。自機器大興以後。所製物品。銷場之增加。必不能與產出之增加同比例。例如前此製一針。費工甚多。其價貴。貴則買者少。今茲其價賤。賤則買者多。銷場增加。誠事勢所必然。且全世界人口其大勢固日趨於增加。則凡百品物。銷場皆日遞增。亦有一定之理。雖然。其增加之速率。總不能與機器生產力同一比例。例如前此全國中有一萬人業針。每日所製針二十萬本。即可以供全國之用者。今即云針之用途。日增。增至每日用二百萬本。二千萬本。極矣。然今茲以一人之力。能製一千五百萬本。苟猶是一萬人同執此業。則每

日所成之針當一百五十萬萬本世界上要爾許之針當作何用其他故非有一大
百物莫不皆然明乎此理則今世界以生產過饒爲通患其故可得矣
部分人廢舊業以從事新業則爲道且窮然人之治一業也世而受之童而習之中
途改絃事固非易況吾方以吾之所業者人浮於事乃思改而之他而他業之人浮
於事也亦同蓋今日已成爲『鐵與人爭業』之世界也此泰西俊語鐵謂機器求業之難萬方
同慨故論者或謂機器之興功罪參半此雖矯激之言然當工業革命過渡之時多
數人之幸福爲其所奪則洵不誣矣吾國前此以國中固有之舊式工業供一國人
之用百工之居肆者雖用力甚劬獲報甚嗇然苟將之以勤儉未嘗不足以自給太
史公所謂無凍餒之民亦無千金之家卽生事稍戢固熙熙然有以自樂也而不料
馴至今日遂爲歐美工業革命之洪水所淹沒而迫我至於無所逃避也吾粵人也
自吾少時居粵之省會蓋省會凡二百餘萬人而工居十之七最盛者織工也其次
攻玉之工也其次染工也其次攻金之工也其次贏股肱轉移執事之工也蓋諸工
分別部居羣萃州處常以所業名其街衢至今日則舍贏股肱轉移執事者餘皆無
有矣此其故至易明也吾以手工所造者質窳而值昂人以機器所造者質良而值

賤是故不相接則已。接而相競蔑不敗矣。彼歐美百年來中產之家。所以日卽凌替。馴至悉夷爲資本家之奴隸者。胥以此也。然在歐美各國。雖多數人蒙工業革命之害。而少數人實大受工業革命之利。蒙其害者。固本國人也。受其利者。亦本國人也。合全國之收益以計之。則此少數人緣工業革命所新得之利益。足以償彼多數人之所損失者。而有餘。故國富之增殖。歲進就國民生計上論之。利實遠餘於害。而以工廠大興之故。勞力之需要益繁。傭值因以歲昂。而所謂多數人蒙損失者。亦未嘗不可以相補。若今日之中國。則何有焉。近世所謂新式企業之組織法。吾國人至今莫能運用之。加以在現今腐敗政治之下。不容此種工業以發達。故雖日日言獎勵實業。抵制外貨。皆不過紙上空談。新工業之建設。杳無其期。而舊工業之衰落。日甚一日。今試任入一人。家觀其日常所服用者。無論爲必要品。爲奢侈品。其來自他國者。蓋恆十而八九也。夫前此國中之恃工以自贍者。不下數千萬人。今見逼於此種風潮。此數千萬人者。緣而失業。瀕於窮餓。事勢之最顯著者也。而疇昔此數千萬人。每年從事工業之所得。除所消費外。尙能儲其贏以爲母財者。今且悉歸於無。何有。

矣。故就目前論之。則國中一大部分人全失其資生之具。就將來論之。則國民生計資本之總額大耗損而永不可復。夫此趨勢既二三十年於茲矣。而將來之愈轉愈劇者。且滔滔未知所終。極循此以往。更歷十數年。則我國境內之生計現象。必將分爲兩階級。甲階級則資本家。而其人則皆外國人也。乙階級則勞働者。而其人則皆中國人也。嗚呼。我國人亦知現今歐美各國之勞働者。其境遇之慘酷。果何似乎若全國人而夷於勞働者之一階級。則我國真永無復見天日之時矣。

其在商業。我國數千年來。不以此爲重。其發達原屬幼稚。自今以往。將並其萌蘖而牧之矣。請言其故。

商業也者。立乎生產者與消費者之間。而爲之介者也。生產者爲供給貨物之人。消費者爲需求貨物之人。而運此地所不需求之物。以致彼地貯現時所罕需求之物。以待他時於地差與時差之間。而取其利。則商業之職也。由是言之。則欲一國商業之發達。當有兩前提焉。一曰先求一國生產力之發達。二曰先求一國消費力之發達。所謂生產力者。何農工礦林諸業是也。此諸業之供給者。既豐則其託商人爲媒。